

承啟堂稿

海石先生文集卷之三

五言律詩

宜興遲邢陽川侍御二首

寂歷雲山夜依依月到城樓鴉還自語過鴈屢遺
聲北客尚疎問南征敢計程坐來清漏斷何限友
生情

其二

楚粵王程迥江湖客夢勞日邊驄馬使雲外九溪
躬景入桐山好情憐鮑叔高蕭閒心似水乘興托

吟毫

廣德道中逢王侍御

簪爲香案吏同侍 聖人前此日雲山裏逢君州
縣邊談深夜月轉別促曙光遙卽驅回鴈外猶擬
素書傳

五牧舖

問程名五牧渺渺白雲鄉水澗稀來鳥風高多去
檣山青知夜雨林老爲秋霜獨坐孤蓬晚悠然世
趣恣

贈林介山大尹

南國青霄彥翩翩意氣同
開尊緣興劇揮塵見才
雄日月鳴琴裏江湖飛鳥中
扁舟明發後期爾駕
長風

宜興長至日有感二首

客路依山郭孤踪感令辰
初陽動葭管朔氣轉陶
鈞拜舞瞻燕闕驅馳作楚臣
遙知掖省客獻壽共
楓宸

其二

曙色猶未動嵩趨祝 聖明水城寒帶月松塢暗
回春更憶家庭隔尤懷王事櫻乍逢添線日轉展
倍關情

齊山東邢北岡侍御

借榻齊山雨舉旌池口雲寒初驚病骨別久念離
羣燈冷禪關焰吟舒客路懃陽城持節使遙憶自
朝昕

秋夜

地僻閑庭寂天高露氣清星光臨戶切月色上簷

明蟲語喧初動烏啼聲驟驚生平愜幽賞兀坐忘
深更

吳江夜棹

子夜蓬牕底江雲共眇然漁歌煙樹外野燒石橋
邊鴈落蘆花渚人歸野渡船沈寥誰共語皎月照
高眠

送馬侍御

暫爾投荒去憐君此問津抗言明象簡甘死犯龍
鱗岐路風塵暗離筵感慨新賜環應不遠莫爲共

沾巾

寶帶橋

一水渺無際平橋接地低
蒼煙震澤外落日洞庭
西江晚饒漁笛春深促
馬蹄芙蓉七十二飛影
隱虹霓

題陳高卿書樓

空外層樓渺真看玉作梯
九峯橫翠迥三泖接天
低祇覺白雲近回看落日
齊元龍讀書處夜夜有
青藜

玉女峯史氏山庄

不盡登臨興攀蘿一過從陰陰青薜荔歷歷翠芙蓉
徑古苔痕濕山深雲氣重爲逢賢地主欲擬結
青松

宴集百鶴亭五首

樂隱開三島奇踪寄一椽時聞九霄唳常適四時
天樹蔭漪波藻芳傳碧水蓮相逢盡佳侶緣伴習
池仙

其二

本堂和 卷之三
偶爾攀芳杜乘閒到薜蘿辭名成大隱得趣屬名
阿園綺堪同調雲和每奏歌相逢俱幻迹昏暝且
浮羸

其三

野興若爲多梁園此暫過峯樹元章石枝分瑤島
柯虛牕消俗慮飛棟繞清歌更愛晴樓月霞光湛
碧波

其四

風逗林香細泉縈野翠通鶯留深樹綠魚引落花

紅霞外塵心遠樽前逸興同仙輶如有待清唳好
橫空

其五

雙樓倚雲迥孤洞枕潭開月借簾櫳入春供花鳥
來壺觴歡在藻吟眺屬登臺安期如可覓撫檻自
徘徊

逢呂巾石論德賦贈二首

頻年雲水隔遐思幾徘徊野寺冠裳合空林爽氣
開雄談銷赤暑夜燭坐深杯不盡綢繆意何時擬

更陪

其二

佛土宵逾靜，攜登般若臺。
竹送涼風至，溪邀明月來。
吟歡殘暑歇，坐覺夜星迴。
莫道相逢易，懷君霜鬢摧。

來賓阻雨有懷邢侍御

何事三江雨，空淹百里旌。
松聲濕更響，野照暗還明。
濁漲行人斷，春來往事驚。
遙遙驄馬客，應到桂林城。

陳原德園亭

曲池沾雨淨芳徑入林幽坐狎琴樽趣情深今昔
游微涼生白苧逸思動清秋更憶桃源路真堪避
世畱

來賓道中立夏先一日

心折盤江道迢迢山下輪從行徒卉服入望是來
賓明發剛初夏茲辰惜暮春三年滯粵微不敢畏
風塵

逢馬竹湖

馳節江淮日逢君野渡頭雲山天際合風浪日邊
浮尊酒坐深夜兼程向遠州斯文共湖海欲去更
爲留

大黃江口

江流急於箭風高浪拍天簾開山入坐雲暝雨隨
舷椎髻鬢堪駭侏儻語訛傳回看津吏候瞬息過
前川

牂牁江

路入東甌境猶登萬里舟衣冠無故識耶許總夷

儔壤接夜郎境程踰銅柱秋清風顙相送暫爾思
悠悠

石門夜發

蕩漾石門舟衝炎入夜浮巖聲尋壘鼓月色帶長
流急棹人應駭開心興獨悠沙邊叢候吏煙樹映
層樓

桂林署中有作

萬里來何事驅馳畏簡書邊城看月上春嶺見花
初遠徼頒王曆停驂校國儲經年勞鞅掌日月且

居諸

白馬堡

大荒渺無際平南江上旌懷家萬里夢問道幾時
程日映沙隄柳風牽石渚衡歸期渾未定三歎水
雲橫

書蒼梧署中

兩載天南棹兼旬鉤檢賒 明庭隔霄漢使節滯
荒遐花鳥同中土雲煙帶遠沙炎方非足慮祇切
愧黃麻

中丞蔡公安遠柳侯招飲湖南書院二首

開府仍雙璧中朝屬上才
竝切緇衣好俄叨倚玉
陪春光迴五嶺禮際盛三槐
向來行役久何意接瓊杯

其二

盛世推元老遐方見肅清
特煩新斧鉞一奠遠干
城襟期同霽宇談笑仰威名
樽俎便蕃日令人意
自傾

冒雪觀浯溪磨崖歸而賦之得二首

六磨堂稿 卷之三
憶昔中興運磨崖向楚鄖臨溪開碧落絕壁擅人
文斑剝風霜古清泠霰雪紛平生樂披覽寒沍亦
堪欣

其二

素染欲凝白空山萬木寒星文猶炳朗景仰且盤
桓塵跡堪遺慨高珉尚不刊歸途發長嘯寧惜更
游觀

平樂署中晝霧不解

曙暘宜散翳此地獨陰霾暗毒流春澗平堤若陡

崖戈矛風火接鼓角虎狼儕持節無纖補慚予訖
可措

蔡中丞柳安遠再邀宴集

南嶺三陽月高情屬酒杯地擁雲山勝春從几席
迴蠻氛看霧捲虞化自風來矚日麒麟閣開圖首
上才

九日同楚中諸公登高二首

歲每逢佳節天涯獨滯畱今來寒菊蕊却泛碧岑
秋野望雲依樹天清鴈聚洲登臨無限意樽酒好

相酬

其二

故園花始放遊眺向高岑野曠天同眇秋深霜更
侵河山無改色桑梓乍關心得共相歡賞佳辰思
不禁

東答柳總戎

洳徑衝泥却陰雲接嶠飛五溪通瀚海九嶺跨蠻
碕征旆侵嵐氣馳車傍夕暉天涯客星眇得借使
君輝

歸自慈利登七里祠祠以祀朱梁將武平宋
時嘗顯異運二石一浮江潭一超飛紫雲
麓宋封以侯居人春秋祀甚嚴過者必謁
巨靈神運石傳異鼎祠新超嶺非人力浮濱陡自
神芳名疏國爵時饗薦江蘋語怪吾何意碑題迥
不泯

寄許秦山

遊子風塵慣辭燕又入荆征衣帶星月擢楫傍鷓
鷗弔古青山出憂時白髮生知君此時意懷我岳

陽城

答陳豹谷太守

三伏愁中雨孤舟病裏身
盍簪雲路杳憶別柳條
新露冕開淳化封題慰
故人多君千里思鱗鴈得
相親

萃秀亭

徙倚憑虛檻蕭疎對此亭
澗迴流水淨牕礙曉雲
青苔石欹幽徑輕煙逗野
堦坐深天籟動直欲迂

山靈

送同年王君歸娶

愛爾青雲彥芳年入紫宸
標梅天錫寵婆鴛爲
輪劔佩迎花去驪歌別思頻
鳴笳催畫鷁指日汎
南津

溪上

扶杖石池秋微涼散客愁
水痕浮掌上吟屐過沙
頭賴已擽塵世惟應拂酒甌
兵戈正騷屑聊爾解
煩憂

過子陵釣臺二首

炎暑陟崔嵬登臨興未回昔人棲隱處今日大觀
開把釣寧魚樂披雲表鳳裁千山相擁護夜夜客
星迴

其二

登臺一以眺慨慷意何窮亂雲遮落日遠水抱晴
空長嘯悲棲鳳沉冥歎遠鴻遐想羊裘跡真堪作
釣翁

鄒和峯侍御貽人面仁果賦謝

百粵饒奇產遙分念獨深果驚人作面仁比物同

心石芋堪爲侶林檎未足任似鍾山海勝實類閩
園榘

閑吟

夜來濯枝雨猶吼落梅風溪上閑啼鳥天邊掛斷
虹登臨千里豁吟眺萬緣空東海忘機者無心羨
遠鴻

壽西汀兄七十

爲羨古稀年幽棲意自便忘機鷗鳥外琢句杜韋
先菊徑香常滿蓬門日更妍却疑安綺輩來共祝

華筵

登高

目境將疇豁扶筇一上臺山寒多木落風定覺雲
迴白苧饒詩思黃花勸酒杯歡情殊未極林畔暝
鐘催

竹亭

望裏瀟湘景攜筇步綠陰天炎忘暑氣意定却塵
襖水遶周遭徑觴傳笑語深不畱身世念虛檻足
長吟

雷古和學憲見枉賦謝五首

憲節凌霄下漁蓑帶雨迎
長安舊知已海上老躬
耕肯借干旄色思尋簪紱盟
素懷高誼在寧復世
間情

其二

小隱秦溪曲多君意氣新
車停松徑雨杯進竹林
春麗藻懸河湧雄心倚劔
頻文章吾志在緣爾得
重論

其三

燕臺別曉日秦水晤春風却羨掄材鑑能叅造化
功起衰韓吏部薦賈漢吳公東海興才彥知君道
濟洪

其四

青尊臨野望欣與故人同不辨浮雲色惟耽白雪
工樹浮煙際碧花放雨餘紅萬品饒春意悠然樂
未終

其五

論交情不極小飲興偏長我愧西河隱君勤益部

鞅使節難投轄征車有避霜江門千里月相送悵
河梁

贈都叅軍二首

君是樓船將還來海上城長纓期繫虜飛檄急徵
兵節制嚴三步奇門布五營旄頭看電掃千里塞
塵清

其二

何處人中傑龍韜蚤歲傳旌旂截海曲戈甲耀江
天典寄戎旃外觴飛白羽前野夫常抱病莫可助

籌邊

謝傅省吾侍御

海曲藏身遠多君尚眷存
緘題飛綵筆迂駕過衡
門諫草當年見朋簪此日
敢暫迂驄馬使高論對
清樽

贈王紹元爲柘湖年丈子

而翁金馬俊喜見鳳毛奇
養藉三餘足披將萬卷
隨秋風思奮翮夙夜可忘
規年少真堪畏寧虛白
日馳

傅虛岩給諫邀汎西湖

曉日映重湖携舟信所如不妨幽興遠轉覺世情
疎倒景涵無際煙波望有餘未論凌五嶽隨處可
吾廬

同虛岩過虎跑泉

爲愛名山勝攀蘿到上方探源從虎發聽法有龍
藏派衍祗園潤流穿花塢香與君叅妙理應得證
清涼

錢緒山見訪夜坐

長安相見日聯騎向春風君懷經世略予愧濟時
功感慨聲華舊殷勤道誼同乾坤藉回斡跋涉豈
浮踪

沈氏園亭

乘風一過訪爲愛此園居日落畱殘照春深結綺
疏風聲從翠篠酒案饌肥魚牕外流雲度悠悠興
有餘

望海

遙塘舒遠望萬里共長流孤島迎寒日洪濤壯素

秋寧無浮海歎祇爲惜時憂去去從吾好安居道
可謀

客過談邊事

壤僻鮮人到多君移棹過肩囊違宛洛策騎下滹
沱白晝浮雲暝邊城胡馬多安能起韓白談笑却
干戈

秋深對菊

搖落多離索芳叢晚更宜新晴淡日照乘興暝杯
移媚眼畱霜色供吟費品題百年身世爾懽暢屬

東籬

紅菊

入座看佳卉亭亭冠物華秋光滋麗色曉露浥奇
葩羅綺牕前態輕盈天外霞停杯思楚客獨醒若
爲嗟

獨立

倚徙柴門杖炎歎待晚風亂山沉落照野水倒晴
空農事頻看雨樵歌數指虹人生無定遇詵爲問
天工

秋暮

東望暮雲平，秋山落照橫。
雲寒鴈不度，月上鵲頻驚。
雅調寧甘俗，愁心祇自忼。
那堪搖落後，把卷足深更。

看雪

暝色覺雲低，清宵風更淒。
擁爐還貰酒，罷卷且添綈。
乍聽敲牕急，旋聞積岸齊。
朝來聊問俗，三白慰農犁。

殘臘

忽已際茲月相看又一年迴塘多夕照村墅淡輕
煙爆竹從人世桃符表歲旋天時頻代謝獨坐思
悠然

湖上二首

野眠晴偏好湖光景乍新棹移波蕩漾山迥石嶙
峴樹色千章秀笙歌百疊陳芙蓉行自采秋水若
爲神

其二

客思宜游覽招携湖水垠飄颻一仙侶身世似漁

人擊汰起鷗鷺凌空越漾鄰
脩然忘所適月出現
全輪

孫白峯過話二首

芳菲惜已晚嗟爾到衡門
一樽相共敘百緒且爲
爰教鐸聲南國吟懷散綺園
相逢殊足慰人世孰
堪論

其二

海曲棲蓮地春風亦自迴
到來共樽酒看遍百花
菩杖策歌池藻鋪裊坐碧苔
啼鶯如有意睨皖勸

遺杯

春望

荏苒已春深
樓遲澤畔吟
柳煙迷去徑
花露濕行襟
海上猶兵燹
天邊起暮陰
萋萋芳草綠
感慨自關心

宿法相寺

每爾過從日
虛無斷俗緣
人天水月現
燈火梵音傳
不寐成幽寂
行吟契妙玄
何當却塵迹
來此共安禪

梅

野外幽偏境寒花已獨開風稀舒素靨樹古積莓
苔雪沍春潛露芳標香自來林篁共旋繞清思且
徘徊

冬夕見月

夜寒月色皎城上海雲收一片角聲動遙空朗氣
浮關山懸北望河漢迥西流庭外蕭蕭竹相看暝
色流

春晚

池畔萍看紫墻邊杏已黃暫攜輕舫一泛野迴
塘誰奏關山弄惟宜麴釀香不須關俗事祇恐惹
懷忙

紅梅

紺色入梅萼庭前爛熳開芳鮮逾杏色瑰麗異棠
腮杜曲花俱豔桃源人漫猜休教蜂蝶妬載酒自
堪陪

對月酬客

月色近中秋天清露氣浮光生九達外情向一樽

畱不寐知宵永忘懷覺意稠塞鴻如有爲鳴夜不知休

和祐山金蓮花

天作名園瑞還呈竝蒂芳擎枝標葉綠舒萼耀華
黃風動來竒馥露零滋素粧燕山翩五桂庭下羨
相將

和胡梅陵咏鴈

常棲碣石北忽爾向衡陽木落辭遐徼春榮更朔
方汀沙畱足篆雲表赴班行莫爲去來亟機疎繒

弋塲

題乘槎圖

漢節出皇都真能犯斗樞雄心凌碧落輕楫逗仙
姝牛渚探機石人寰列畫圖史書曾未泯莫謂證
虛無

談醫士冠帶南還二首

方拜君門寵揚舲問去程錦帆開畫彩秘術斂金
莖鴈度江潭影人傳帝里榮翩翩行色好端不急

浮名

其二

一朝辭闕下萬里度長風
春草歸游子江雲送遠
鴻藥欄尋舊勝竹閣悟玄空
爲問南州杏今開幾
樹紅

宿上方寺

下榻山房迥松迴古殿開
孤踪明月共旅況白雲
陪晚霽星河燦空林鐘磬來
登臨興不極歸騎莫
教催

喜雨

東望海雲生高空日晦明轟雷隨電影急雨助風
聲晚樹村村綠農歌處處耕祈年應有望茅屋飽
青精

訪卜監泉南園

春日吳天棹南園暫汲泉梅浮十畝雪竹散一江
煙釣艇緣流入閒雲當戶懸林間高臥者曾著馬
蹄篇

玄墓山二首

青山名鄧尉琳宇獨巋然仰見星河近時聞清梵

傳平蕪園綠野蜃氣接遙天扶杖逍遙上蓬萊落
鴈邊

其二

望裏羣峯矗攀臨一徑偏松杉依古砌臺殿枕層
巔坐憶孫登嘯行吟梁父篇忘機吾已久揮塵意
蕭然

馬上吟

立馬看山色雲邊落鴈聲千村幽樹合萬井暮煙
橫虎洞藏仙跡龍淵瞰古城臨風一回首逸興與

誰評

蘇門觀燈

客途三五夜華月映江洲
火樹排雲出煙鰲駕海
浮香車銀燭競鳳吹錦裯
流忽聽梅花曲何人獨
倚樓

問僧

行苦成羸疾癯然骨似稜
悟來猿離樹迷去鼠緣
藤白馬西來意青山最上
乘蕭蕭松下獨坐碧
雲橙

夢王同野

黥日長愁雨高眠病裡身寄書無鴈足別恨有風
塵看劔憐光掩懷人入夢頻依依情不隔感慨意
加新

夜過石林僧房

靜夜過祇園燒燈坐北軒穿雲松徑滑滴雨竹聲
繁人世看俱幻禪宗孰與論到來清景寂嗒爾竟
忘餐

示石林上人

迢遙數峯裏偶得共安禪自覺紛囂遠還於岑寂
便一燈無妄燄萬事總蕭然欲覓無生理人天目
睫邊

過太湖

放棹從吾適飄飄任所驅空明浸天濶汗漫失方
隅落日橫羣鴈長煙破片鳧峰巒遙望裏直欲上
清都

過隱山

隱山一拳石梵宇枕湖開琪樹凌霄出慈河匝地

迴秀吞吳楚勝涼動海天開不意塵寰裏真逢般
若臺

宿朱涇

夜檝傍江洲蕭蕭林水幽樽邀天際月歌颯荻邊
鷗潮長連黃浦風輕際碧秋人生何定跡去住總
悠悠

池亭

曲池聊架屋憑檻有餘清荷擎時寫露魚躍暫開
蘅歎此四時促因之百感生滄洲殊可適何必戀

浮名

雨中

仲夏一番雨橫渠長綠波農家應驟喜秉耒互長
歌秧尚添針細魚當受釣多舍中雖苦潦應不念
愁那

立秋

久倦炎天酷歡逢秋氣佳搖紈勞漸解岸幘興還
諧節序頻看博長哦興未涯朱絃初展調遮莫可
相懷

見螢火

散步清陰下蕭蕭曲徑疎忽看明滅跡但怪去來
遽夜珠終炫爛朝旭僅虛無纖類巧變幻人生安
所攄

江行

鼓柁浮江上天空日正晴水平潮岸濶雲淨樹沙
明好結漁樵侶何關去住營悟來猿鶴想端不隔
青城

歲除

冬殘已將歇更喜向新春壯心憑酒挽俗慮假書
堙暖律初催柳和風漸解屯藥鋤堪自把聊以展
經綸

登樓

秋光眇無際乘閑眺夕曛虛牕通灝氣廣野蔽浮
雲鳥度松蘿外人居桑柘濱非同王粲遇聊藉遠
塵氛

苦雨

村居便朗日急雨釀餘寒溜並鷄聲曉濤從鴛瓦

繁花時旋已歇鳥韻寂無謹病體兼愁緒誰云天
地寬

避暑

攝屐上崔嵬真令炎暑摧水渠多菡萏風洞積苔
莓地勝忘三伏颺乘占一臺還期洗天雨沾灑徧
堦垓

客至

避地逢迎少羊求喜暫過開關仍掃徑晏坐且高
歌已爲烹茗芳茗旋同展秘蚪離羣殊可歎期會莫

蹉跎

陽春

陽春回海嶠花鳥競輸妍氣藹山河瑞精區天地
口洗心超末俗繕性入先天散步秦溪曲時吟白
萼篇

海石先生文集卷之四

五言律

覓梓谷丈於毗陵山園二首

爲訪中林友，清宵杜曲行。
孤帆掛雲度，新月逐漸生。
風吼毗陵樹，山連北固城。
相期共樽酒，藉解我心忪。

其二

念爾甘歸隱，能無事遠征。
已成東海政，決去輞川耕。
雲樹情彌戀，天涯夢屢驚。
還逢花塢下，池館總

舍情

同黃梓谷西湖汎月二首

桂輪排嶺出清鏡
傍雲飛同汎此深夜高情未忍
歸鍾沉何處寺談愜坐來機試問蘇隄棹清宵景
正輝

其二

翠靄迴三竺蒼煙鎖六橋
銀盤開夜色高宴入雲
霄浪跡疑玄圃忘形混野樵
坐深零露白漏盡未
歸橈

集慶寺觀宋理宗遺像

龍馭迴千載遺弓蕭寺存山川留王氣日月護空
門香燼塵函冷丹青遺像尊徘徊湖畔意興廢共
誰論

遊神山

地僻人行少山迴境沈寥崖松常翳日庭竹自凌
霄鐘冷西潭月江浮婁水潮彭仙騎鹿去幽意倘
能招

汎泖

欲挹東南勝乘舟三泖風潮迎洞庭孤塔湧梵天
宮帆影暮雲外歌聲蒼靄中夕陽情未已擊楫欲
凌空

山樓

爲園擬十洲獨愛此山樓地仍連底石門鑿自生
楸廠戶雲從度鉤簾風正柔登臨足幽賞爲爾暫
淹留

宴集長慶堂贈呂東匯銀臺二首

薊門十載別此日意何如濟世餘三策謀身合二

疏浮踪寄天地真樂自樵漁好借盧敖杖周行五
岳墟

其二

良時應不負朋好得相俱塵鞅吾何着清尊興不
孤芳庭春爛熳江檻雨模糊共喜岩阿在浮名任
有無

寄泮泉兄永州

芝城堪臥理報政近何如驛路千尋水冥鴻幾字
書海氛騷未定楚魁禱應除別後遙相憶荆花月

承啓堂稿
卷之四
三
上初

寄胡石屏潘參

彩鷁三湘路聲華浙水畱獨深佩蘭感還向斷鴻
愁秋入洞庭濶天銜紫蓋浮題詩儻相憶應上仲
宣樓

東丁一匏

逢君百續城高論乍相傾愛茲山水勝更戀友生
情班荆移白日倚玉共寒檠期訪仙人洞煙霞一
棹橫

贈史大梅

十年湖海客萬里劍星搖連榻邗江雨篝燈子夜
潮探玄忘去住寄興托雲霄忽聽歌驪曲能無感
寂寥

贈馮祐山諫議

愛爾辭簪紱林泉興獨優芳名畱諫草逸興動滄
洲賦咏奚囊滿過從語笑投爲憐霜鬢改人世任
沉浮

懷包蒙泉侍御

骨鯁當年疏批鱗萬里行冰霜畱壯節日月照丹
誠荏苒芳時改羈棲塞雪平春來北歸鴈憑爾寄
緘聲

包吳石侍御邀遊佘山

迤邐佘山道幽花滿徑生浦雲連海嶠塔影落江
城茗汲神池水鐘傳別澗聲翠微堪坐賞賓主總
忘情

和西泉兄鄉約之作

清秋灑氣爽講解里人新擊壤傳王化稽文省世

巖藍田堪共朴畏壘漸還醇行看東海上都入一
九春

和趙尚莘憲副咏金蓮花

竝騎登朝侶今來限各天草玄忘世味寄興屬瑤
篇意逐滄洲遠聲追大曆前看花隨後躅覽句敢
相聯

題借竹軒

僧借比隣竹吾欣竹下過虛簷無色相空翠但松
蘿孤磬聲逾冷三乘念已多爲憐塵世網兀坐自

成哦

秋閣

飛閣憑山迥崔巍四望通
簾櫳依碧漢枕簟落秋風
古木籠煙暝遙村殘照紅
坐來得深省新月更當空

端陽咏荷

新霽石池蓮田田葉正妍
風搖青醮水露湛翠擎
天朝旭凝新萼清芬襲
午筵更欣逢令節蒲酒碧筒傳

鴈

煖逐衡陽去江天過陣疎羣飛違紫塞幾夜宿青
蘆頻起防繒暗長鳴爲影孤冥冥何所羨猶向上
林呼

長至日對客

黃鐘纒屈節有客乍攜航閉閣不自穩扶陽爲爾
觴凝寒緣凍切驟雪起風狂遙憶春姿動江村樂
未央

鍾順伯省試

承慶堂稿 卷之四 六
槐花紛古道遊子試征蓬應斫月中桂先搏海上
風才當空冀北采亦動江東螻螿看來久今將有
化龍

贈顧養素顧能辟穀日飲數杯而已自云常
有飛丹入口遂不饑

仙踪不可詰之子有仙風霞餐無世味神解每心
通樂飲同彭澤閑情伴赤松丹成應有日跨鶴上
瑤空

題日休卷

人心胡戚戚吾心應日康
委化遇皆順定性機堪
忘筆瓢自可樂曲肱夫何傷
塵區却鞅掌何遇非
羊腸

遊石湖

汗漫一天水清樽倚舳艫
荇疎魚忽躍沙暖鳥相
呼峯巒相盤互煙嵐乍有無
平原芳草綠結屋作
潛夫

登吳山塔

絕巘標香界芙蓉倚碧霄
遠瞻龍象迥近擬法輪

超指顧分吳楚青冥隱汐潮斷碑摩蘚讀歲月紀
前朝

午日

天中臨節序忽訝姤陰生艾虎堪防祟靈符欲辟
兵家家同射黍樹樹足啼鶯爲說先天易乾元尚
慮盈

贈李子孝

君是名家彥詩書午夜檠論文宜振世扣角豈謀
耕蠶歷三眠化金將百鍊精凌雲新賦就蚤已負

時名

謝鄭侍御

假道丹陽入深憐豸史情敢辭車馬贈恐使鶴猿
驚丘壑原吾好風塵非自輕一筇扶屐齒聊以混
樵耕

壽隱士像

海上有仙翁機忘意自融于朝且扶杖在釣合飛
熊風騷漢魏上氣韻丹青中花朝值初度歡賞百
年同

謝李令君

澤國凌霄棹相逢授綺筵平生熟聞譽世路欲誰
賢飛鳥由民借歌棠定爾傳到來傾寫意不負友
情懸

顧山人養素善辟穀處予館預言禍福良多
驗賦以示之

孰破先天竅能令幾事通美君多了悟愧我滯疎
侗混跡隨時俗相將陟華嵩風塵何足侶杳杳看
冥鴻

冬至贈友生

馬嶺垂髻後來過東海疆陽和隨節肇翼舉趁時
揚得意五車內凝思乙夜長蹇子吟白苧曷以示
周行

登樓

暮色樓中景憑欄興不慳秋陰生曠野雲氣滿遙
山日落長風起波深高浪潺燈殘猶未倦思欲更
躋攀

秦溪草堂二首

承恩堂稿 卷之四 九
築室臨溪畔幽懷詵與論白雲橫遠樹曲水到閒
門屢有高人過常將佳句掄百年應有寄托興足
朝昏

其二

曉色聞林籟蕭然意自訢汀洲漁唱續虛檻鶴聲
殷蜃氣登樓望鷗翻入渚羣浮生何所戀意欲出
塵紛

馮祐山枉顧

村野無供具良朋入夜來檻魚還自取樽酒爲君

開坐久寒風動燈微殘月陪相逢慰相念吟賞且
徘徊

雨夜

日氣漸稀微江風急雨催暗光螢火度檻響草蟲
胎停杯還問夜把卷更深裁劒光看倚壁慷慨爲
誰開

長至日

獨寤江村日相看物候新冰霜寒沍切梅柳化機
屯直道平生志春工造化辰一陽催令序吾事不

爲貧

懷蔣道林二首

曾遇南來客
貽聲已得聞
春風開楚望
妖蜃歎吳
焚世路平陂
異生涯去住
分長歌仍遠
睡祇見隴
頭雲

其二

衡陽嗟斷隔
回鴈自相鳴
日月淹三楚
雲天阻夙
盟桃岡多戶
屐浙水但畚
耕欲比雙飛
翼空懸萬
里情

胡石屏臬憲遷楚藩

方岳天朝重君才世不凡
蒼生欲舒困紫綬試崇
銜湖湘看德化雲夢見安誠
生平重膠漆惜別展
題緘

對菊

庭菊開初遍閒居坐晚晴
客來非待速花裊似多情
素質娟娟靜香風款款生
話長更進酒不覺夜
光盈

望塔

相輪聳空際落日且盤桓古寺風雲護秋光天地
寬鷹搏晴色遠燈吐晚鐘殘誰能超絕頂萬里一
麾翰

看花

曲徑多芳草遊從起曉風塵飛三徑外春在萬花
中鳥語如簧韻香騰竝酒融相携皆勝侶莫待惜
殘紅

花間小咏

爲愛芳時勝乘春此一過名花供色笑好鳥助嬌

歌宛轉酬佳興參差步曲阿一區聊足藉何必更
求多

過南湖園亭

意僻耽奇勝拏舟問水雲寄情常不淺乘興似尤
殷屈曲追芳榭扶攜向夕曛悠然具賓主嗒爾竟
忘分

溪上

蓮放石池秋餘馨拂酒甌興來緣鶴舞閑處與鷗
浮揮塵雲堪侶攜琴月共流心中無個事溪水自

悠悠

秋夜

秋來暑尚熾更闌未欲眠
螟螢斜度竹初月影流
泉短塵無談佐清砧有響傳
此時幽趣寂不得爲
人宣

雨後喜涼

竝海寬原野涼颺忽到除
瀟瀟雨歇後拂拂樹搖
初微涼供睡穩落照繞
簷餘忽爾饒詩思忻然一
起書

初夏

旭日初長日中庭樹影移
友朋頻問字徙倚自哦
詩雲色空中動蓮香分外
奇青山堪宴坐嗒爾自
支願

同練溪思雲遊園亭

大隱非巖壑爲園暫結衡
花飛三徑滿雲護一溪
橫樹古多鱗甲境偏無送
迎佳時足游賞期爾共
幽盟

過白峯村居

承慶堂和 卷之四 十三
朝來春色好清興自相催帶篋新詩展攜筇曲徑
迴衡門高柳暎溪樹曉鶯來相逢俱一笑暫爾拂
塵埃

五言排律

顧東橋中丞招燕黃鶴樓

衣冠逢勝地江漢挹清芬幕府開華宴虛懷右旅
賓登樓瞻帝里促席總王人鳥向空中落帆迴別
浦逶遠山橫翠黛激浪捲青蘋玉尊酬芳醴雕盤
供紫鱗干城嚴自固鸚鵡賦誰陳劔擊猿公捷笳

鳴塞曲新三湘歸指顧全楚入陶甄壯氣吞雲夢
薰風動水濱旌翻開府節情似五湖春舞席潛迴
雪歌筵暗起塵平生愧同調良會倍堪親

壽毛東塘司馬

闕下推元老齊東見詰人明時藉陶冶多事屬經
綸已奠群生泰仍舒國步屯洗天氛寢息格遠朔
方馴山川全禹甸封域盡堯民久役垂 皇念遺
安惠蓋臣寵加延世厚恩渥賜金頻暫息持衡履
猶儲憲老輪岡陵端共祝鶴髮倍加神

岳陽樓

乘春辭帝里南轅指楚丘足底雲山滿溪邊鷗鷺
浮晴川涵碧漢芳樹遍汀洲拂劔星文耀揮戈魯
日留南薰動涼思高嶠縱吟眸探奇旣息駕攬勝
復登樓一洗征塵鞅聊以解煩憂

同張榆峯水部登黃鶴樓

乘閑宜攬勝日夕且登樓秋落湖波濶山橫紫翠
稠過帆時隱見飛鳥任沉浮坐嘯塵襟豁銜杯雅
好投白雲堪共賞黃鶴渺難留蒼水三年使西江

萬里舟楫檐外閃國計坐中收不盡襴衡意回
看鸚鵡洲

永福堡寄邢侍御

憶別當春日差池忽夏初三江煙瘴地五嶺虎狼
墟日夜勞舟楫辛勤畏簡書平生湖海意凋落雪
霜餘欲上明光疏東歸學釣魚

謝答徐州宋兵憲

不意天涯遇還爲抵掌遊黃樓低夕照沛水激清
謳千里瘡痍起三春雨露優材官金瑣甲俎豆紫

承啓堂稿 卷之四 五
貂裘問政先經術論交藉拍浮三湘我行役五字
子牽愁別鶴天邊思鳴鷄澤畔舟瓜期應未卜聊
以短歌投

東張東居戶部

客路風霜苦朋簪意氣高相逢共青眼垂軫過綈
袍歲序真彈指關河藉轉漕一官羈地部幾載獨
賢勞銜尾舟常續揚帆風自翔灌輸欽妙算慷慨
見人豪望重題燕駿吟雄稱楚騷征途聯阜蓋夜
燭共香醪君留淮海署予逐廣陵濤多情悵離索

深意付揮毫

書京山縣壁

乘傳驅千嶠重沾此邑塵閑庭羅翠栢當戶起蒼筠延接皆非舊風霜屢傍人食魚猶在楚策馬又逢秦每爲民艱涕堪嗟政拙身不知何歲月閒著白綸巾

書監利縣

落日江光隱迢遙到此城風塵常過眼民物總關情旱澇歲兼集農桑業已傾秋雲結愁思砧杵動

承啓堂稿 卷之四
寒聲吹角夜還壯征車遠尚行宵深愁不寐從此
愧浮名

送劉南郭司理湖州

閩中挺豪俊翩翩鸞鳳姿羽毛儀海宇音律奏咸
池姓字金閨裏符章海國垂劔橫南斗氣翼運北
溟竒大巫行小試冬復見春禧威令還驅鱷仁恩
及放麋用酬分部寵仍布泰陽熙古俗還看復芳
聲定爾追行春花氣馥問俗皂囊隨且移浮玉棹
更勒峴山碑我亦隣封邇君其浩蕩推一時恢化

理千載蔭棠梨豈讓劉安世何慙張釋之芳樽開
別路蘭燭黯分岐何日瞻眉宇功成慰庶黎

邢侍御寄聲夢予賦以謝之

精誠可遐契霄漢共昭回本是同心侶還應入夢
來阿蒙吳下士使君天上才共捧綵綸詔連登江
漢臺氣躍雙龍劔情深百蠡杯竚期棠棣萼獨向
早春迴

題祁陽雷門山

絕澗湧飛泉蒼崖橫紫煙門由天幻巧室自石訝

懸共道轟雷劈還疑巨斧穿六丁驅鬼力萬劫儼
龍涎不盡登臨興思爲松竹緣微吟聊寄意迫暝
尚畱連

登岳陽樓謝張水部

雅會湖南集欣逢把袂年波光秋後落山勢暝逾
騫萬斛舟如葉羣飛鳥自翩登臨塵慮滌邂逅雅
歌宣席擁江魚饌篇裁蜀錦箋興溢君山上情深七
澤邊塵詮隨世泯仙跡至今傳感念情多輯追歡
樂更綿江城將月色鼓吹正喧填

東路中丞

湖海冠裳合相逢意氣真大名當道路勳業仰嶙峋
峒烽火連邊郡謀猷絕衆人已驅青海月復掃黑
山塵談笑看前輩風雲老此身 神京還借翼

聖主藉敷仁南北俱安土華夷共沐春我捧承明
詔君臨汶泗濱丰神千里合意氣一時新許國誠
深念傾心羨不泯高飛仰征翼尺素得爲申

將入西粵與顧中丞東橋高山寺宴別

仗劔三湘地還欣使節臨才華高北斗勳業重南

金接席頻叨宴聆音屢寫心采芳過碧落話別上
嶽岑白雪歌翻調清尊酪更斟願瞻餘澤潤隣境
徧謳吟

顧中丞再邀遊朝陽巖有作答謝

江空石壁迥亭擁洞天開東嶺看暝撤曦陽入夜
迴情鍾杯酒戀別惜綈袍催冬日無餘雪先春已
見梅朋簪君意渥攬轡更徘徊

奉寄泉翁

南國興人傑翩然越世躔雄聲駕四海妙悟啓先

天階途迥霄際品秩固仙駢彩筆星辰麗宮墻日
月連董策無先達義經啓後賢登庸遭盛際識器
仰逾全雄談飛玉露浩氣肅秋蟬白下裁機務江
臯展旆旃門墻看履滿壇坵屬謀先位重心逾下
名高守自堅麟臺功莫竝鵠印肘兼懸自愧躬顛
陋曾叨侍几筵緇衣垂引掖發覆荷陶甄蹇予江
左滯仰德粵東偏裁絨達函丈注挹意難宣

先月樓

玉蟾初試影高閣自蕭然江外秋無奈雲中笛可

憐偏從愁處照未識幾時圓皎皎孤吟後依依遠
樹邊虛牕涵灑氣零露映層巔關山離別意翹首
問青天

南津

得到南津地相逢意自親翛然看俗遠驟爾見風
淳花鳥閒情適桑麻樂事新興來明月棹夢入曉
林春快志誰同調投閒可重論幸生明盛日獨往
任吾真

遊天池

仄徑干松護澄潭萬石懸蘇門饒勝賞此地自悠然
瀑灑晴空雨池籠晚樹煙蓮峰插天秀石鼓抱
雲旋林照幽俱爽松篁清更妍欲尋方外侶聊與
寫塵緣

尹山寺

遠汎吳江棹閒雲向此過梵宮依片石荒閣隱深
蘿歸鳥入林盡疎鐘出檻多豪吟發天籟幽意滿
林阿世事從余懶風塵奈爾何回看庭外鶴孤影
自婆娑

承啓堂稿 卷之四
登松雲閣

高閣岩堯上超然意象雄
風幡千象緯駕瓦拂溟
鴻牖結千巖霧松搖萬壑風
竒搜皆物外冥契盡
區中煙忽迷吳岫山常接梵宮
欲解浮生縛寧須
叩遠公

東樓

登眺宜茲樓村居事事幽
薰風搖翠篠白日暎青
楸鶴欲穿雲度鶯翻傍柳投
淡煙橫遠色深碧且
晴洲清賞意彌愜揮毫思更綢
平生驚歲換對景

但悠悠

七寶河下遇雪

凍雲低欲墮滿目散瓊霏
密室光能入深林積漸
平九峯迴匹練三泖逗空明
絮點簾櫳暗花依樹
杪生層陰迷野磧斜白上
荒城鷺翻疑水躍鶴唳
覺天清凜凜瑩長缺皚皚
暎短檠還珠難辯浦投
壁不分荆夜色浮晶宇
晨輝徹綺楹遇三知節序
盈尺慰黎氓豈共袁安臥
須知安道行挾纊堪移
棹披裘且舉觥陽春殊可賦
自愧郢中聲

贈李文華

之子真英彥，擔簦向海陬。
揚舲風葉落，躡屐露華浮。
秀氣鍾眉宇，虛懷憶証修。
長心馳藝圃，銳志向芸樓。
愧我江潭瓠，時懷耕野謀。
蠶絲理未析，豹變禱難酬。
靜中窺橐籥，悟處釋沉浮。
人事真馳駛，幾微在討求。
研精先下榻，脫洒覺虛舟。
駿骨非難售，涓人定爾收。

和長松令君彈琴清夜

清秋灑氣爽，澄宵窈窕鳴。
時聆爨下響，還似月中

清忽爾風雲態悠然松桂情政和民俗化時暇角
聲平無弦彭澤思有韻醉翁賡與聞盈耳妙真同
曠世聲嗟哉彼遊冶謬矣競竽箏希聲貴得契公
固寰中英

山閣遠眺

每睠山林勝茲辰喜見邀重湖開佛眼傑閣枕山
腰步履深相接禪關迥自遙攀蘿拂雲霧倚杖傍
岩巖望眇翠環列憑虛蒼檜驕棹歌牽水罟柯響
帶雲樵亂煙縈處合幽梵坐來饒登臨興不極待

月放歸橈

贈鍾聞叔

海國文明會英才宣朗期事功卑管晏道脉仰宣
尼力採玄編藻思飡瓊島芝干將藏利鏑天馬負
雄姿尚友窺千古禔躬謝等夷川原時枉楫風雨
竟忘疲投分堪金石揮毫羨鼎彝獨慚吾守拙難
副爾多竒真傳原本性人人自得師

天寧禪院

爲愛祇園勝尋幽意獨偏蒼松何代種寶月自常

圓磬發疎林杪燈傳古像前苔痕盤曲徑塔影落
遙天鳥過溪邊雨鍾沉檻外烟問禪當晚照聽法
向朝筵欲叩無生理其如涉世緣

定光佛真身

嘗聞出世法今登般若堂山川融灑氣宰堵見空
王真相火不劫慧光神自藏乘蘆殊域界卓錫破
山荒繞徑天花供騰林珠月光地隣丹嶂接蛻並
碧天長幡影清風漾鍾聲白晝揚小坐塵緣息幽
棲貝葉香不期此湖畔忽爾現西方

贈別新安程君

歛水折百二謀生向越陬朝航攜桂楫夕畫總牙
籌計研聊自適司馬暫知休有子傳雲業還山娛
月洲樓居朋輩集心爽素情投桃李春攜屐蓴鱸
秋汎舟忽憶十年契重尋千里遊琴樽消白日談
笑見青眸老鶴懷巢侶行騶動旅愁夢隨帆影杳
情逐海天浮願得時相過殷懃問夜謀

贈天寧月林上人

南仲開新曆春風逸思偏侵晨戒輕舫帶月泛孤

煙霽雨河流急凝雲野戍懸山居盤曲徑塔影落
圓躔鳥哢溪邊竹魚沉樹底泉紺殿曇花供空門
色界妍金爐風透馥禪誦日初娟閒眺郊原媚徐
欣物象鮮鐸聲當午寂詩思沸泉研蝶陣翻然舞
蜂衙忽爾傳莫嫌塵世界不讓鬱藍天

與馮醫士成卿

春風噓病草化雨發新枝造化陽常復坤乾媾自
竒養生悟玄旨伏氣下華池營魄抱天一升降當
坎離日月環中轉虎龍鞭下騎女異交男震九轉

祛三尸陰陽自成配寒暑無相觭超然足玄覽何
事問軒岐